

ITLF BULLETIN

Issue No 36
11 November 2023

Home Ministry Palaite Leh ITLF Inkawm



November 9 zing dar 10:30 vel khan ITLF hruaitute Lamka HQ veng-a Intelligence Bureau (IB) office-ah Ministry of Home Affairs (MHA) palaite nen inkawmna an nei. New Delhi atangin Dr. Mandeep Singh Tuli, Joint Director IB (NE) leh SoO interlocuter A.K. Mishra-te an rawn kal a. He meeting ah hian Lamka district DC Dharun Kumar, Joint Director IB, Imphal Gnanasambandan leh Asst Director, IB Lamka Soiminthang Thangsing te an tel.

ITLF in kan mitthi vuina chung thu Joint Philanthropic Organisation (JPO) te kuta a dah tawh avangin MHA team hian JPO te an hmu hmasa. Kan martyr te vui dan tur hun rei tak sawi ho a ni a. Thutlukna an siam theih loh avangin ni dangah inbiakna hi la chhonzawm tur a ni.

MHA palaite lo lawm nan ITLF hotuten puandum an lo silh tir. August 8-a Union Home Minister Amit Shah leh ITLF hotuten an meeting na a an thil sawi ho te thlirletna neih a ni.

Tlangmite khuaa Meitei sipaite kan duhloh thu te pawh sawi leh a ni a, ITLF in state forces te lak chhuah vek tur phutna a siam tawh a, mahse Amit Shah hian state kaihhnawih a nih avangin central sawrkarin thu a nei vek thei lo a ti. Kan harsatna te a hriatthiam avangin Meitei sipaite anmahni thu thuin tlangmi awmnaah an che dawn lova, central force kaihhraina hnuai ah an awm zel ang a ti.

Home Minister intiamna hi tun tum Moreh-a thilthlengah khan zawm a nih loh thu ITLF chuan a tarlang a. MHA palaite chuan pawh an tih thu an sawi a, tun achinah chuan hetiang thil hi a thlen tawh lo nan hmalak an tum thu an sawi bawh. Moreh-ah Kuki-Zo police hotu pakhat dah tum anih thu Dr. Mandeep Singh hian a tarlang.

CBI leh NIA te chet dana kan lungawilohna leh tan bik an neih thu ITLF chuan MHA palaite a hrilh a. Meitei thalai pahnih bo thuah chak takin hma an la a, mahse chu aia rapthlak zawk Zofate chungah thil thleng – David Thiek a lu tan, naupang Tonsing-a

leh nutling pahnih hal hlum, car wash-a thawk nula pahnih thah, saruak-a hmeichhe tihduhdah, MLA Vungzagin Valte leh a driver an sawisak etc – thuah chhuizuina engmah thawm a awm loh thu an sawi bawk. MHA palaite chuan dan chu tu chungah pawh lek kawh a nih tur thu an sawi a, thil kal chak deuh leh kal muang deuh awm mahse diktaka rorelna (justice) hi sawrkar chuan tu chungah pawh a kengkawh dawn tih thu an sawi. CBI leh NIA pawh thurawn an lo pe ang an ti bawk.

Imphal lung in-a (jail) tlangmi tangte chhuah tur leh sawn tura kan ngenna chungchangah central sawrkarin hma a lak tawh zawng zawngah ITLF chuan lawmthu a sawi a, phaizawla tlangmi lung in tang la awm te sawn chhuah an nih ngei theih nan hma la zel turin ngenna an siam bawk.

Imphal phaizawla Meitei ten ralthuam tam tak an ruk chhuah te lak kir a tul zia thu ITLF chuan a sawi a, MHA palaiten hmalakna a kal reng a ni tiin an chhang. Tin, tlangmi ten ralthuam an lakchhuah pawh pe kir turin thurawn an pe a, hemi thuah hian ITLF hotute chuan Meitei hovin an pek kir vek hunah, a ni la lain kan pe kir ve ang, tiin an chhang.

Raltlan (IDP) te tanpui nan sawrkarin hma a lak dan ITLF chuan zawhna a siam a, Lamka DC in hma a lak dan te leh sawrkarin hma a lak zel dan tur te an sawi ho.

AK Mishra hnenah political talks dinhmun zawhna ITLF in a siam a, a sawi danin SoO groups nen inbiakna 2005 atanga tan tawh chu a la kal chhunzawm zel a, tun thlengin SoO agreement chungchangah sawrkar chu a la ding nghet reng a ni, a ti. Buaina a lo chhuah hnuah SoO groups ten separate administration an dil sawifiahna an nei a, dilna pawh an rawn pe lut tawh, a ti bawk.

Political solution a awm theih nan boruak tha (peaceful environment) a awm a pawihmawh thu Mishra hian a sawi a, innghirnghona a awm apiangin political solution kawng a ti khaihlak a ni, a ti. Kan ram dan angin (democratic means) ngenna hi siam zel turin tlangmi te a fuih a ni.

Sawrkar laipui chuan Manipur a Zofaten separate administration an nei chu a duhsak thu a sawi a, chinfelna (political solution) siam a nih dawn chuan nghawng thui tak a nei dawn avangin fel

taka ngaihtuah a ngai a, chuvangin hun pawh a duh deuh dawn tih thu a sawi.

Engpawh ni se, sawrkarah innghat ngam ula, separate administration in dilna ah tharum hmang lovin, “democratic means of protest” hmang zel turin ka chah duh che u a ni, a ti.

ITLF hotuten remna leh muanna chu kan duh reng a, hmelmaten min rawn beih chuan kan lo in ven him ve a ngai a, inkahna a chhuah phah thin a ni, an ti. Chuvangin remna leh muanna a awm tak tak dawn anih chuan political solution a awm hmasak a ngai a ni, tiin an chhang.

Helicopter service chungchangah pawh sawihona a awm a, ITLF hotuten kar khat a vawi khat chauh ai chuan vawi hnih tal ni thei se a duhawm thu an sawi. Thingtlang district dang Kangpokpi leh Moreh-te nena inkalpawh theihna a awm a pawimawh zia hria in Lamka to Kangpokpi leh Lamka to Moreh service kan ngenna chu MHA palaite chuan an bawhzui tur thu an sawi.

Chhun thingpui in hovin, titi hona an nei hnuah an inthen.

Aizawl-Ah Zo United In Meeting Nei

November 8: Zo United hruaituten Mizo Upa Pawl (MUP) nen inkawmna an nei a, hetah hian Zo United chuan MUP chungah lawmthu an sawi a, frontline mess engemawzat tanpui turin ngenna an siam bawk. Tlai dar 5 ah Aizawl club-ah Zo United executive members, SoO groups, MLA te leh invitees tlemte an in hmukhawm a, thu dang dang sawihona an nei.

November 9: CYMA office-ah Mizoram NGO Coordination Committee leh Zo United hruaituten meeting an nei a, kan movement kal chhoh zel dan tur leh tan lak dan tur sawi ho a ni.



Tegnoupal Tanpuina

November 1 khan Zo United in Tegnoupal-a kan unaute tan tanpuina tlawmngai pawl hrang hrangte hnenah a ngen a, a hnuai mi hi pawl hrang hrangin an rawn pek luh te a ni:

Young Vaiphei Association (YVA) - Rs 140,080 leh bufai 3,120 kg

Young Paite Association (YPA) - Rs 520,801, bufai bag 40, thawmhaw 48 bags leh sahriak (cooking oil) 60 bottles

Young Mizo Association (YMA) - Rs 70,350

Kuki Khanglai Lawmpi (KKL) - buhfai 200 bags

Hmar Youth Association (HYA) – buhfai 15 bags, dal 5 bags, sahriak tin 2, chi (salt) 1 bag

Mate Tribe Council (MTC) - Rs 20,000

Gangte Youth Organisation (GYO) – Rs 40,000 leh buhfai 8 bags

Zou Youth Organisation (ZYO) – buhfai 69 bags leh dal 1 bag.

IG AR Nen Meeting Nei

IGAR General Rajan Sheravat chuan November 8, dar 7:30 pm khan Sector 27 AR, Tuibuong ah ITLF leh CSOs te a in hmuhpui. Hetah hian Manipur a “Cyclone of violence” hi engtin nge kan tih tawp theih ang tih thupui hmangin inkawm hona an nei.

CSO lam chuan buaina a reh theih nan CM Biren Singh-a hi a nihna hlih sak ni se, ralthuam keng pawl Arambai Tenggol hi man in awm se, phaizawlah AFSPA puan ni bawkrawh se, tiin an duhna an thlen.

General Sharavat hian tharum hmang lovin dan dungzuiin kan thil ngiat te bawhzui turin ngenna a siam a. Moreh-a Meitei commando te chet dan a dem thu sawiin, hmalam hunah chuan tha takin hma a la dawn a ti bawkr.

Tanpuina Rawn Lut

ITLF Relief & Medical department hnenah tanpuina a rawn lut zel a. November 4 khan Lamka Second Hand Belt Trader hnen atangin buhfai 40 bags an dawng. Tin, EAC in buhfai 5 kg a rawn pe a, Parish Pastoral Council, Good Shepherd Parish, Lamka atangin buhfai 50 bags, dal 30 bags leh blanket 960 a rawn lut bawkr.

November 9 khan Dr. Ng Seanbawi & family, Chiengkongpang hnen atangin buhfai 20 bags a rawn lut a, EBC Headquarters, Dorcas Hall, New Lamka atangin buhfai 100 bags leh dal 30 bags a rawn lut bawkr. November 10 khan Pu Letkhogin, IAS in buhfai 10 bags a rawn pe bawkr.

Tanpuina petu zawng zawng hnenah ITLF chuan lawmthu a sawi a ni.

Meitei Hovin Sugnu Bei

November 10 zing dar 7 vel khan Sugnu bial a Leisan, G. Songgel leh Kanaanphai khua te chu Arambai Tenggol ten a rawn bei a. Bomb leh sniper te an hman avangin mipuite an ti thlabar hle.

Hemi hmuna awm Assam Rifles duty ten an lo kap let a, Meitei ho chu a bul hnai Meitei awmna khuaah an kir leh tih thu kan dawng. Inkahna ah hian hliam leh thi an awm lo.

Dharna Neih Chhonzawm Zel

ITLF Women Wing kaihhrainain tlangmite lungawilohna lantir nan kar khat a wawi khat dharna neih chu la chhonzawm zel a ni.

November 9-a hun hman naah ITLF Women Wing atangin Pi Manliankim leh Julie Mawi ten hun an kaihruai a. Hemi ni hian Andhra Pradesh atangin Pastor Madhukar leh a team te an rawn tel a, May 3 a buaina a chhuah atang khan an kohhran mi leh sa ten Zofate min tawngtai sak reng thu an sawi. Relief camp a raltlante tan blanket 700 vel an sem tawh thu an sawi bawkr.

Pastor Madhukar chuan buai hnuah Manipur wawi hnih a rawn tlawh na a ni tih sawiin, Pathian thlamuana neih a pawimawh thu mipui kal khawmte hnenah a tarlang bawkr. Dr. Pautinthang Chongloi leh Thansang Guite in Andhra Pradesh team te an rawn zui a, Thansang Guite hian tawng a leh sak.

Rev. Dr. Mark Ai, Associate Prof. Parish Priest, Tuibuong in thusawina a nei bawkr a, harsatna karah Pathian hmel kan hmu dawn a ni tiin mipuite a fuih.

Mipuiten Master Benhavi Gangte (9) leh NI Nemzoupui te hnen atangin fakna hla mawi tak an ngaithla bawkr. Pi Thiemnu-in tawngtainain hun a khar.

COMING SOON

IN PHOTO MATTE PAPER QUALITY

₹599
ONLY



#MANIPUR MAYHEM KEY PLAYERS & EVENTS

A BOOK BY INDIGENOUS TRIBAL LEADERS' FORUM (ITLF)

FEATURES

THE TRIBAL NARRATIVES - STORIES FROM VICTIMS - DAILY INCIDENT REPORTS
ARTICLES FROM GUEST WRITERS - POEMS - STATISTICS - AND MANY MORE

UPDATED TILL 10 NOVEMBER 2023



150
CONFIRMED DEATHS



200
VILLAGES BURNED



7000+
HOUSES BURNED



360
CHURCHES BURNED



41425
DISPLACED PERSONS



204
RELIEF CAMPS

RELIEF SUPPORT

Office: ITLF Secretariat, Hiangtam Lamka

Contacts:

Mangcha Thangzom – 8837368373 (Convenor)

V. Gouthianmuan - 9862086583 (Co-Convenor)

FINANCIAL SUPPORT

ITLF Joint Bank Account:

Name: Henkhopao Haokip & N. Vialkhanthang

Account No: 41912626404

IFSC: SBIN0064016 | Bank: SBI Salbung Branch